

Broj: 01/1-6- /17
Kakanj, 31.03.2017. godine

Na osnovu člana 24. stav (1) tačka 14) Statuta Općine Kakanj („Službene novine Općine Kakanj“, broj: 4/08) i člana 5. Odluke o dodjeli petnaestoaprilskih priznanja („Službene novine Općine Kakanj“, broj: 9/11 i 5/16), Općinsko vijeće na 6. sjednici održanoj 31.03.2017. godine, **donijelo je**

O D L U K U
o dodjeli petnaestoaprilskih priznanja

Član 1.

U povodu 15. aprila – Dana općine Kakanj, dodjeljuju se sljedeća petnaestoaprilska priznanja:

A) GRB OPĆINE KAKANJ

1. „Grb općine Kakanj“ se dodjeljuje:

JU „Kulturno-sportki centar“ Kakanj za afirmaciju i promociju općine Kakanj na kulturnom, sportskom i obrazovnom nivou kao i drugim segmentima društvenog i javnog života.

B) PLAKETA SA DIPLOMOM

1. „Plaketa sa diplomom“ se dodjeljuje:

Rudarskoj glazbi za afirmaciju kulturnog života u Kaknju kao i promociju općine na državnom i međunarodnom nivou.

2. „Plaketa sa diplomom“ se dodjeljuje:

Igoru Andrijeviću za postignute privredne uspjehe i veliki nesebičan sportski, humanitarni i obrazovni angažman.

3. „Plaketa sa diplomom“ se dodjeljuje:

Rešadu Merdiću za predan rad i veliki doprinos društvenoj zajednici kroz svoj politički i privredni angažman.

C) ZAHVALNICA

1. „Zahvalnica“ se dodjeljuje:

Raifu Čehajiću za promociju i očuvanje historije i njegovanje kulturne baštine općine Kakanj.

2. „Zahvalnica“ se dodjeljuje:

Sekciji dobrovoljnih davalaca krvi RMU Kakanj za nesebičan i velikodušan doprinos očuvanja života građana općine Kakanj.

3. „Zahvalnica“ se dodjeljuje:

Hasanu Alajbegoviću za predan rad i veliki doprinos u razvoju poljoprivrede i stočarstva u Kakanju.

4. „Zahvalnica“ se dodjeljuje:

Željku Kolakoviću za veliki angažman u poticanju povratka, obnove i izgradnje na području općine Kakanj naročito Kraljeve Sutjeske.

5. „Zahvalnica“ se dodjeljuje:

Slovenskom udruženju građana „Jozef Špringer“ za doprinos u cjelokupnom razvoju općine Kakanj i afirmaciji nacionalnih manjina u BiH.

Član 2.

Petnaestoaprilska priznanja uručit će se dobitnicima na svečanosti u povodu obilježavanja „15. aprila – Dana općine Kakanj“.

Član 3.

Ova Odluka stupa na snagu danom donošenja, a objavit će se u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Slaven Katičić

O B R A Z L O Ž E N J E

Komisija za dodjelu petnaestoaprilskih priznanja imenovana rješenjem Općinskog vijeća broj: 01/1-306/16 od 21.11.2016.godine u sastavu Slaven Katičić, predsjednik, Ibrahim Hercegljija, zamjenik predsjednika, Salih Hasagić, član, Nijaz Đokić, član, i Nadina Kovač, član, održala je 3 sastanka.

Prvi sastanak Komisija je održala 28.02.2017.godine te utvrdila tekst javnog poziva koji je objavljen u kakanjskim medijima (Kakanjske novine, Radio Kakanj, službena stranica Općine Kakanj).

Nakon završenog javnog poziva Komisija je održala i drugi sastanak 15.03.2017.godine na kojem su otvoreni pristigli prijedlozi za dodjelu petnaestoaprilskih priznanja. Ukupno su pristigla 22 prijedloga, s tim da Komisija razmatrala 21 prijedlog jer je jedan stigao van roka.

Za Grb općine predloženi su: Enver Merdić, Iso Zaimović, „Delibašić Poliuretani“, KUD „Dikan“, Igor Andrijević, Kasim Alajbegović, HKD „Napredak“ Kakanj, LD „Srndać“.

Za Plaketu sa diplomom predloženi su: JU KSC Kakanj, JU Dom zdravlja Kakanj, Rudarska glazba, Igor Andrijević, UB Patriotska liga Kakanj, Esad Kadrić – Dedo.

Za Zahvalnicu predloženi su: Raif Čehajić, Rešad Merdić, Sekcija dobrovoljnih davalaca krvi RMU Kakanj, Hasan Alajbegović, Željko Kolaković, Emerin Ahmetašević, Ševko Penjo, Slovensko udruženja građana „Jozef Špringer“ Kakanj i NTV IC Kakanj.

Treći sastanak Komisija je održala 27.03.2017.godine. Na sastanku su bili prisutni svi članovi, s tim da je Ibrahim Hercegljija napustio sastanak nakon prijedloga Nijaza Đokića da se Grb općine dodijeli JU KSC Kakanj. Predsjednik Komisije je predložio da se svi prijedlozi stave na glasanje, što je i učinjeno, pa su svi kandidati u ovom prijedlogu odluke imali jednoglasnu podršku 4 člana Komisije.

Predlagač: Komisija za dodjelu petnaestoaprilskih priznanja